

## Kiberxavfsizlik Arxitekturasi, Strategiyasi Va Siyosati

*ME Sanayev<sup>1</sup>, JS Xalilov<sup>2</sup>*

### Tizimlarning umumiylarini arxitekturasi

Zamonaviy tijorat oldida murakkab masalalar to‘plami ko‘ndalangki, beqaror iqtisodiy vaziyatda ularning dolzarbligi yanada oshadi. Bunday masalalarga quyidagilarni kiritish mumkin:

- daromadning oshishi;
- o‘zgaruvchi vaziyatlarga reaksiya tezligining oshishi;
- xarajat va chiqimlarning pasayishi;
- innovatsiyaning tezlashishi;
- bozorga mahsulot va xizmatlarni taqdim etish vaqtining qisqarishi;
- buyurtmachilar va sheriklar xolisligining oshishi;
- raqobatlik qobiliyatining oshishi;
- me’yoriy talablarga moslikni ta’minlash.

Yuqorida keltirilgan barcha masalalarni yechishda korxona arxitekturasidan foydalaniladi (2.1-rasm). Korxona arxitekturasi tamoyillar, yondashishlar va texnologiyalar naborini shakllantirishga imkon beradi, ular tashkilotning joriy holatini hisobga olgan holda uning kelgusi transformasiyasi, o’sishi va rivojlanishi asosini belgilaydi.



**2.1-rasm. Korxona arxitekturasi va uning boshqa arxitekturalar bilan bog‘liqligi**

Hozirda bunday arxitekturalarni yaratishda bir necha yondashishlar mavjud, masalan TOGAF, Zachman Framework, FEAF, DoDAF va h.k.

Ammo, qaysi bir yondashish tanlanmasin, hozirgi sharoitda axborotdan va axborot tizimidan foydalanmay rivojlanish mumkin emas. Axborot va axborot tizimlari nafaqat tijoratdagi har qanday o‘zgarishlarni madadlaydi, balki ularni oldindan sezadi, ularga oldindan tayyorlanadi, ba’zi hollarda esa yangi tijorat-imkoniyatlarining paydo bo‘lishiga yordam beradi. Biroq tijorat doimo istalgancha rivojlanmaydi. Bunda ma’lumotlarning sirqib chiqishi, axborot texnologiyalari infrastrukturasi elementlarining ishdan chiqishi va h.k. bilan bog‘liq axborot operatsion risklar anchagina rol o‘ynaydi.

<sup>1</sup> Assistant International school of finance technology and science instituti samarkand filial Samarqand, Uzbekistan


<sup>2</sup> International school of finance technology and science instituti Samarkand filial,Talaba Samarqand, Uzbekistan



Hozirgi va kelajak risklarga tayyor bo‘lish uchun korxonaning boshqa arxitekturalari bilan uzviy bog‘langan axborot xavfsizligi arxitekturasi zarur.

*Kiberxavfsizlik arxitekturasi* jarayonlarni, inson rolini, texnologiyalarni va turli xil axborotni tavsiflaydi, hamda zamonaviy korxonaning murakkabligini va o‘zgaruvchanligini hisobga oladi. Boshqacha aytganda, kiberxavfsizlikning arxitekturasi tashkilotning va u bilan bog‘liq boshqa komponentlar va interfeyslarning istalgan axborot xavfsizligi tizimi holatini tavsiflaydi. Bunda axborot xavfsizligi arxitekturasi tijoratning joriy va eng muhim, kelgusidagi ehtiyojini akslantiradi.

Odatda arxitekturaning 3 ta sathi ajratiladi - konseptual, mantiqiy va amalga oshirish (texnologik). 2.2-rasmida bunday arxitektura keltirilgan bo‘lib, odatda texnologiyalar jihatidagi qismi xavfsizlik xizmati nazoratidan chetda qoladi.



## Insonlar Axborot Texnologiyalar

### 2.2-rasm. Kiberxavfsizlik arxitekturasi

Joriy holatdan qanday qilib yangi, mukammalroq va qo‘yilgan maqsadlarga mos holatga o‘tish mumkin? Buning uchun strategiya, ya’ni qo‘yilgan maqsadlarga erishish uchun harakat yo‘nalishi mavjud.

*Strategiya* - korxonaning davomli muvaffaqiyat bilan faoliyat

Ko‘pincha strategiya va arxitektura tushunchalarini farqlamay arxitektura tavsifini o‘z ichiga olgan kiberxavfsizlik strategiyasi ishlab chiqiladi. Bu unchalik to‘g‘ri emas, chunki arxitektura, ya’ni maqsadlar vaqt o‘tishi bilan o‘zgarmasligi, bu maqsadlarga erishishdagi strategiya esa tashqi va ichki omillarga bog‘liq holda jiddiy o‘zgarishi mumkin. Strategiya va arxitektura bitta hujjatda tavsiflansa, strategiya o‘zgorganida arxitekturani ham o‘zgartirishga to‘g‘ri keladi.

## 2.1. Axborot xavfsizligini boshqarish va siyosati

*Axborot xavfsizligi siyosati* (yoki xayfsizlik siyosati) - tashkilotning maqsadlari va vazifalari hamda xavfsizlikni ta’minalash sohasidagi tadbirlar tavsiflanadigan yuqori darajadagi reja. Siyosat xavfsizlikni umumlashgan atamalarda tavsiflaydi. U xavfsizlikni ta’minalashning barcha dasturlarini rejalashtiradi. Axborot xavfsizligi siyosati tashkilot masalalarini yechish jarayoni himoyasini yoki ish jarayoni himoyasini ta’minalashi shart.

Apparat vositalar va dasturiy ta’minot ish jarayonini ta’minlovchi vositalar hisoblanadi va ular xavfsizlik siyosati tomonidan qamrab olinishi shart. Shu sababli, asosiy vazifa sifatida tizimni (jumladan tarmoq xaritasini) to‘liq inventarizatsiyalashni ko‘zda tutish lozim. Tarmoq xaritasini tuzishda har bir tizimdagи axborot oqimini aniqlash lozim. Axborot oqimlari sxemasi axborot oqimlarining biznes-jarayonlarni qanchalik ta’minalayotganini, hamda axborotni himoyalash va yashovchanligini ta’minalash uchun qo‘srimcha choralarini ko‘rish muhim bo‘lgan sohani ko‘rsatishi



mumkin. Undan tashqari, bu tizim yordamida axborot ishlanadigan joyni, ushbu axborot qanday saqlanishi, qaydlanishi, joyini o'zgartirishi va nazoratlanishi lozimligini aniqlash mumkin.

Inventarizatsiya apparat va dasturiy vositalardan tashqari dasturiy va apparatura hujjatlari, texnologik hujjat va h.k kabi kompyuterga taalluqli bo'lmannan resurslarni ham qamrab olishi shart. Ushbu hujjatlar tarkibida tijoratni tashkil etish xususiyatlari to'g'risidagi axborot bo'lishi mumkin va bu hujjatlar buzg'unchilar foydalanishi mumkin bo'lgan joylarni ko'rsatadi.

#### Xavfsizlik siyosatining zaruriyati:

- Tashkilot bo'ylab foydalanilayotgan qurilmalar soni ortib borishi tarmoqda uzatilayotgan va saqlanadigan axborot hajmini ortishiga olib kelmoqda. Bu holat esa o'z navbatida turli zaifliklar natijasida hosil bo'lgan xavfsizlik tahdidlarini ortishiga ham sababchi bo'ladi. Xavfsizlik siyosati tashkilotga ushbu tahdidlarga qarshi kurashish va unga axborotning yo'qolishidan himoyalash imkonini beradi.
- Xavfsizlik siyosati tashkilotning barcha funksiyalarini xavfsiz tarzda amalga oshirish orqali xavfsizlik tamoyillarining kelishilgan vazifalarini ta'minlaydi. Xavfsizlik siyosati mijozlar bilan ishonchga asoslangan aloqani qurishda axborot xavfsizligi standartlarining mosligini ta'minlaydi. Xavfsizlik siyosati tashqi axborot tahdidlariga kompaniyaning duchor bo'lishi xavfini pasaytirishga yordam beradi.
- Xavfsizlik siyosati tarmoqda qanday qoidalar foydalanishi kerakligini, konfidensial axborot qanday saqlanishi va tashkilot ma'lumotlarini oshkor bo'lishi va majburiyatlarini kamaytirish uchun qanday shifrlash algoritmlari kerakligini aniqlash orqali qonuniy himoyani ta'minlaydi.
- Xavfsizlik siyosati tahidlarning sodir bo'lishidan oldin ularni bashoratlash va zaifliklarni aniqlash orqali xavfsizlik buzilishlari holatining ehtimolini kamaytiradi.
- U shuningdek, zaxira nusxalash va qayta tiklash amallarini joriy qilish orqali tashkilot ma'lumotlarining yo'qolishi va sirqib chiqishi xavfini minimallashtiradi.

#### Xavfsizlik siyosatining afzalliklari:

- *kuchaytirilgan ma'lumot va tarmoq xavfsizligi*: tashkilotlar o'z ma'lumotlari xavfsizligini ta'minlovchi tarmoqqa asoslangan siyosatini amalga oshiradilar. Xavfsizlik siyosati tarmoqda boshqa tizimlardan ma'lumotlar uzatilishida himoyani ta'minlaydi;
- *risklarni kamaytirish*: xavfsizlik siyosatini amalga oshirish orqali tashqi manbalardan bo'lishi mumkin bo'lgan risklar kamaytiriladi. Agar xodimlar xavfsizlik siyosati asosida harakat qilsalar, ma'lumot va resurslarning yo'qolishi holatlari deyarli kuzatilmaydi;
- *qurilmalardan foydalanish va ma'lumotlar transferining monitoringlanishi va nazoratlanishi*: xavfsizlik siyosati xodimlar tomonidan amalga oshirilgani bois, ma'murlar tashkilotdag'i trafikni va foydalanilgan tashqi qurilmalarni doimiy tarzda monitoringlashi zarur. Kiruvchi va chiquvchi trafikning monitoringi va auditni doimiy ravishda amalga oshirilishi shart;
- *tarmoqningyuqori unumdarligi*: xavfsizlik siyosati to'g'ri amalga oshirilganida va tarmoq doimiy monitoring qilinganida ortiqcha yuklamalar mavjud bo'lmaydi. Tarmoqda ma'lumotni uzatish tezligi ortadi va bu umumiyl samaradorlikni ortishiga olib keladi;
- *muammolarga darhol javob berish va harakatsiz vaqtning kamligi*: xavfsizlik siyosatini amalga oshirilishi tarmoq muammolari kuzatilganida darhol javob berish imkoniyatini taqdim etadi;
- *boshqaruvdagi hayajon darajasining kamayishi*: xavfsizlik siyosati amalga oshirilganida boshqaruvchi kam hayajonga ega bo'ladi. Xavfsizlik siyosatidagi bir vazifa tashkilotning biror xodimiga biriktirilishi shart. Agar ushbu holat amalga oshirilsa, tarmoqda biror nojo'ya holat kuzatilsa ham, boshqaruvda hech qanday xavotir bo'lmaydi;
- *xarajatlarning kamayishi*: agar xodimlar siyosatga to'g'ri amal qilsalar, tashkilotga ta'sir qiluvchi



turli xalaqtalar uchun ortiqcha xarajat kamayadi.

#### Xavfsizlik siyosatining iyerarxiysi:

Tashkilotlarda xavfsizlik siyosatini ishlab chiqishda turli hujjatlardan foydalaniladi. Ushbu hujjatlarni ishlab chiqish xavfsizlik siyosatining iyerarxiyasining sathi va uning soniga bog‘liq.

*Qonunlar.* Qonunlar iyerarxiyaning eng yuqori sathida joylashgan bo‘lib, ular tashkilotdagi har bir xodim amalga oshirishi kerak bo‘lgan vazifalarni o‘z ichiga oladi. Ushbu qonunlarga amal qilmagan har bir xodim uchun javobgarlik choralarini ko‘rilishi shart bo‘ladi.

*Normativ hujjatlar.* Normativ hujjatlar iyerarxiyadagi ikkinchi tashkil etuvchi bo‘lib, ular xodimlarning qonunlarga rioya qilishini kafolatlaydi. Normativ hujjatlar xavfsizlik siyosati qonuniga mos bo‘lgan yo‘l yo‘riq ko‘rsatuvchi hujjatlar to‘plami bo‘lib, ular hukumat yoki ijtimoiy normativ hujjatlardan tashkil topadi.

*Siyosatlar.* Siyosatlar yordamida tashkilot shaxsiy tarmoq xavfsizligi uchun qonuniy ichki tarmoq talablarini yaratadi. Siyosat turli muolajalardan iborat bo‘lib, ular tashkilot uchun xavfsizlik arxitekturasini ko‘rsatadi. Ushbu siyosatlarning amalga oshirilishi tashkilotga standartlarni o‘rnatish va risklarni boshqarish kabi vazifalarni bajarishiga imkon yaratadi.

*Standartlar.* Standartlar siyosatni amalga oshirish usullarini tavsiflaydi va tashkilotlar tomonidan amalga oshiriladi. Standartlar korxona siyosatiga ixtiyoriy va mandatli aloqador bo‘lib, ishlab chiqilgan standartni ma’lum vaqtdan so‘ng o‘zgartirish talab etilmasligi zarur. Shuningdek, standartlar texnologiya, qurilma va dasturiy vositaga bog‘liq holda xavfsizlik nazoratini o‘z ichiga oladi.

*Yo‘riqnomalar.* Yo‘riqnomalar tashkilot siyosati va standartlarini amalga oshirish strategiyasini aniqlab, tashkilotning tahdidlarga qarshi tura olishida yordam beradi. Shuning uchun, tashkilot xodimlari yo‘riqnomalarini bajarish uchun, maxsus o‘qitiladi.

*Muolajalar.* Muoalajalar tashkilot siyosatini amalga oshiruvchi ketma-ket bosqichlar to‘plami bo‘lib, ularni amalga oshirishda imtiyozga ega subyektdan tasdiq talab etiladi. Muolajalar quyidagi savollar asosida ishlaydi:

- kim nimani bajaradi?
- ular qanday bosqichlarga ega?
- ular qaysi shakl va hujjatlardan foydalanadilar?

*Umumiq qoidalar.* Umumiq qoidalar tanlovga ko‘ra maslahatlar bilan ta’minlovchi hujjat bo‘lib, ulardan biror maxsus standartlar bo‘limgan holda foydalaniladi. Umumiq qoidalar tavsiyalar sifatida bo‘ladi va tashkilotlar ularni rad eta olmaydi. Umumiq qoidalarni amalga oshirish risklarni kamaytirsada, biznes talablari o‘zgorganida umumiq qoidalarni ham o‘zgartirish tavsiya etiladi.

#### Xavfsizlik siyosati quyidagi xususiyatlarga ega bo‘lishi shart:

*Qisqa va aniq:* xavfsizlik siyosati infrastrukturada joriy qilishda qisqa va aniq bo‘lishi shart. Murakkab xavfsizlik siyosati tushunish uchun qiyin bo‘lib, xodimlar tomonidan kutilgani kabi amalga oshirilmaydi.

*Foydalanuvchan bo‘lishi:* siyosat tashkilotning turli sektorlari bo‘ylab oson foydalanishli yozilishi va loyihalanishi shart. Yaxshi yozilgan siyosatlar boshqarishga va amalga oshirishga oson bo‘ladi.

*Iqtisodiy asoslangan bo‘lishi:* tashkilotlar tejamkor va o‘z xavfsizligini kuchaytiruvchi siyosatni amalga oshirishlari shart.

*Amaliy bo‘lishi:* siyosatlar reallikka asoslangan amaliy bo‘lishi kerak. Real bo‘limgan siyosatning amalga oshirilishi tashkilotga muammo tug‘diradi.

*Barqaror bo‘lishi:* tashkilot o‘zining siyosatini amalga oshirishda barqarorlikga ega bo‘lishi kerak.

*Mulojaviy bardoshli bo‘lishi:* siyosat muolajalari amalga oshirilganida, ular ish beruvchi va ishlovchiga mos bo‘lishi kerak.



*Kiber va yuridik qonunlarga, standartlarga, qoidalarga va yo'riqnomalargamos bo'lisi:* amalga oshiriluvchi ixtiyoriy siyosat kiber qonunlar asosida ishlab chiqilgan qoidalar va yo'riqnomalarga mos bo'lisi zarur.

**Axborot xavfsizligi siyosatining turlari.** Tashkilotda axborot xavfsizligini rejalashtirish, loyihalash va amalga oshirishda siyosat muhim hisoblanib, ular foydalanuvchilarga xavfsizlik maqsadlariga erishishda mavjud muammolarni bartaraf etish choralarini taqdim etadi. Bundan tashqari, xavfsizlik siyosati tashkilotdagi dasturiy ta'minot va jihozlar vazifasini tavsiflaydi.

Axborot texnologiyalari sohasidagi korxonalarda quyidagi xavfsizlik siyosatlari qo'llaniladi:

➤ *Tashkilot axborot xavfsizligi siyosati (Enterprise Information Security Policies, EISP):* mazkur siyosat turi tashkilot xavfsiz muhitini, unga g'oya, maqsad va usullarni taklif qilish orqali, madadlaydi. U xavfsizlik dasturlarini ishlab chiqish, amalga oshirish va boshqarish usullarini belgilaydi. Bundan tashqari, ushu siyosat taklif etilgan va talab qilingan axborot xavfsizligi strukturasi talablarini kafolatlaydi.

*Muammoga qaratilgan xavfsizlik siyosatlari (Issue-Specific Security Policies, ISSP):* bu siyosatlар tashkilotdagi aynan xavfsizlik muammosiga qaratilgan bo'lib, ushu xavfsizlik siyosatlarining qamrovi va qo'llanilish sohasi muammo turi va unda foydalanilgan usullarga bog'liq bo'ladi. Unda profilaktik choralar, masalan, foydalanuvchilarining foydalanish huquqini avtorizasiyalash uchun zarur bo'lgan texnologiyalar ko'rsatiladi.

➤ *Tizimga qaratilgan xavfsizlik siyosatlari (System-Specific Security Policies, SSSP):* mazkur xavfsizlik siyosatini amalga oshirishda tashkilotdagi biror tizimning umumiy xavfsizligini ta'minlash ko'zda tutiladi. Bunda tashkilotlar tizimni madadlash maqsadida muolajalar va standartlarni o'z ichiga olgan SSSP siyosatini ishlab chiqadilar va boshqaradilar. Bundan tashqari, tashkilot tomonidan foydalanilgan texnologiyalar tizimga qaratilgan siyosatlarni o'z ichiga oladi. Bu siyosat texnologiyani amalga oshirish, sozlash va foydalanuvchilar harakatlarini hisobga olishi mumkin.

Tashkilotlarda turli maqsadlarga qaratilgan ko'plab xavfsizlik siyosatlari mavjud bo'lisi mumkin. Quyida ularning ayrimlari keltirilgan.

Internetdan foydalanish siyosati. Mazkur siyosat Internetdan foydalanishdagi cheklanishlarni aniqlab, xodimlar uchun Internet tarmog'idan foydalanish tartibini belgilaydi. Internetdan foydalanish siyosati o'z ichiga Internetdan foydalanish ruxsati, tizim xavfsizligi, tarmoqni o'rnatish, AT xizmati va boshqa yo'riqnomalarni qamrab oladi.

Internetdan foydalanish siyosatini quyidagi to'rtta kategoriya ajratish mumkin:

1. *Tartibsiz siyosat (Promiscuous Policy):* ushu siyosat tizim resurslaridan foydalanishda hech qanday cheklowlarni amalga oshirmaydi. Masalan, bu siyosatga ko'ra foydalanuvchi istalgan saytga kirishi, istalgan dasturni yuklab olishi, masofadagi kompyuterdan yoki tarmoqdan foydalanishi mumkin. Bu siyosat korporativ tashkilotlarning ofislarida ishlovchi yoki tashkilotga kelgan mehmonlar uchun foydali hisoblansada, kompyuterni zararli dasturlar asosidagi tahdidlarga zaif qilib qo'yishi mumkin. Ya'ni, Internetdan foydalanishda cheklanishlar mavjud bo'limgani bois, foydalanuvchilar bilimsizligi natijasida zararli dasturlar kirib kelishi mumkin.
2. *Ruxsat berishga asoslangan siyosat (Permissive Policy):* Bu siyosatga ko'ra faqat xavfli xizmatlar/ hujumlar yoki harakatlar blokirovkalanadi. Masalan, ruxsat berishga asoslangan Internet siyosatida qator keng tarqalgan zararli xizmatlar/ hujumlardan tashqari Internet trafigining asosiy qismi ochiq bo'ladi. Faqat keng tarqalgan hujumlar va zararli dasturlar blokirovkalanganligi tufayli, ma'mur joriy holatdagi zararli harakatlarga qarshi himoyani ta'minlay oladi. Bu siyosatda har doim yangi hujumlarni va zararli dasturiy ta'minotlarni tutish va bazaga kiritib borish talab etiladi.
3. *Paranoid siyosati (Paranoid Policy):* Paranoid siyosatga ko'ra barcha narsa blokirovkalanadi va tizim yoki tarmoqdan foydalanuvchi tashkilot kompyuterlarida qat'iy cheklovlar mavjud bo'ladi. Bu siyosatga ko'ra foydalanuvchi Internetga umuman ulanmagan yoki qat'iy cheklovlar bilan



ulangan bo‘lishi mumkin. Bunday hollarda, foydalanuvchilar odatda siyosatdagi qoidalarni aylanib o‘tishga harakat qiladilar.

4. *Ehtiyotkorlik siyosati (Prudent Policy):* Ehtiyotkorlik siyosati barcha xizmatlar blokirovkalanganidan so‘ng amalga oshirilib, unda xavfsiz va zarur xizmatlarga ma’mur tomonidan individual ravishda ruxsat beriladi. Bu maksimal xavfsizlikni ta’minlab, tizim/tarmoq faoliyatiga oid barcha hodisalarini qaydlaydi.

*Maqbulfoyalanish siyosati.* Maqbul foydalanish siyosati tarmoq va web sayt egalari tomonidan qaror qilingan qoidalardan iborat va u hisoblash resurslaridan to‘g‘ri foydalanishni belgilaydi. Ushbu siyosatda foydalanuvchilarning o‘z akkauntlarida mayjud bo‘lgan ma’lumotlarni himoya qilish majburiyati ko‘rsatilgan bo‘lib, foydalanuvchidan tarmoqdan yoki Internetdagi kompyuterdan foydalanishida siyosat cheklolvarini qabul qilishi talab etiladi. Ehtiyotkorlik siyosati tamoyillar, taqiqlar, qayta ko‘rib chiqish va jazo choralarini o‘z ichiga olib, foydalanuvchini, shaxsiy sabablarga ko‘ra, korporativ resurslardan foydalanishini taqiqlaydi.

Maqbul foydalanish siyosati axborot xavfsizligi siyosatining ajralmas qismi hisoblanadi. Bunda, tashkilotlar, o‘zlarining yangi xodimlariga axborot resurslaridan foydalanishga ruxsat berishdan oldin, maqbul foydalanish siyosati bo‘yicha tanishganligi xususida kafolat imzosi olinadi. Maqbul foydalanish siyosati foydalanuvchilarni axborot texnologiyalari infrastrukturasida nimalarni bajarish kerak va nimalarni bajarmaslik kerakligi haqidagi asosiy jihatlarni o‘z ichiga oladi.

Maqbul foydalanish siyosati to‘g‘ri amalga oshirilganiga ishonch hosil qilish uchun ma’mur doimiy ravishda xavfsizlik auditini olib borishi kerak. Masalan, aksariyat tashkilotlar o‘z saytlarida va pochtalarida siyosatga aloqador va diniy mavzularda muzokaralar olib borilishini taqiqlaydi. Maqbul foydalanish siyosatlarining aksariyatida siyosatni buzganlik uchun jazolar tayinlanadi. Bunday jazolar foydalanuvchi akkauntini vaqtincha yopib qo‘yishdan tortib qonuniy jazo choralarigacha bo‘lishi mumkin.

### Foydalanilgan Adbiyotlar

1. SM Eshquvvat o‘g’li KOMPYUTER DASTURIY TA’MINOTIGA BO‘LGAN TALABALARINI TIZIMLI TAHLIL QILISH JOURNAL OF BUSINESS STARTUPS AND OPEN SOCIETY, 4(3), 62–65.
2. M.E.Sanayev, CLASSIFICATION OF COMPUTER APPLICATION SOFTWARE. EUROPEAN JOURNAL OF BUSINESS STARTUPS AND OPEN SOCIETY, 4(3), 62–65.
3. Sanayev M.E METHOD ORIENTED PRACTICAL SOFTWARE CLASSIFICATION. Miasto Przyszłości, 46, 210–213.
4. ME Sanayev MOBIL OPERASION TIZIMLAR TAHLILI " GERMANY" MODERN SCIENTIFIC RESEARCH: ACHIEVEMENTS, INNOVATIONS AND DEVELOPMENT PROSPECTS
5. ME Sanayev The Role of Social Networks in Human Life Miasto Przyszłości 46, 340-341
6. Sanayev M.E THE ROLE OF TEXT EDITORS IN EDITING AND PROCESSING TEXT INFORMATION. EUROPEAN JOURNAL OF INNOVATION IN NONFORMAL EDUCATION, 4(3), 43–47.
7. Sanayev M.E KOMPYUTER AMALIY DASTURIY TA’MINOTI TASNIFI. Journal of New Century Innovations, 48(1), 3–8.
8. Eshquvvat o‘g’li M.S, AREAS OF APPLICATION OF ARTIFICIAL INTELLIGENCE ISSN: 2181-4027\_SJIF: 4.995 Volume-27, Issue-2, February-2023. 61-64.
9. Eshquvvat o‘g’li M.S, DATA MININGDA CRISP-DM METODOLIGIYASI TASNIFI Часть-11 Том-1 Декабрь-2023 43-46.



10. Санаев М.Э. ОБРАТНАЯ ЗАДАЧА ПО ОПРЕДЕЛЕНИЮ КИНЕТИЧЕСКОГО КОЭФФИЦИЕНТА В МОДЕЛИ ФИЛЬТРАЦ II ТОМ ТАТУ SF MA'RUZALAR TO'PLAMI 9 aprel 2022-yil 11-13.
11. Санаев М.Э. ИДЕНТИФИКАЦИЯ КОЭФФИЦИЕНТА КИНЕТИКИ В МОДЕЛИ ФИЛЬТРАЦИИ СУСПЕНЗИИ В ПОРИСТОЙ СРЕДЕ ХАЛҚАРО ИЛМИЙ-АМАЛИЙ АНЖУМАН МАТЕРИАЛЛАРИ 2022 йил, 11-12 май 360-361.
12. Eshquvvat o'g'li.M.S, MA'LUMOTLARNI SINFLASHTIRISHDA BIRCH ALGORITMI AHAMİYATI Часть-11\_ Том-1\_ Декабрь -2023 39-42.
13. Eshquvvat o'g'li.M.S, DATA MININGDA SEMMA METODOLIGIYASI TASNIFI Часть-11\_ Том-1\_ Декабрь -2023 35-38
14. Ergashevich, E. A. (2024). FORMS OF ORGANIZING STUDENTS'ACTIVITIES AND COMPONENTS OF COURSE TRAINING. *Excellencia: International Multi-disciplinary Journal of Education* (2994-9521), 2(1), 292-300.
15. Ergashevich, E. A. (2024). Analysis of the Use of Modern Educational Clubs and Technologies in Educational Courses. *EUROPEAN JOURNAL OF INNOVATION IN NONFORMAL EDUCATION*, 4(1), 62-63.
16. SM Eshquvvat o'g'li DATA MININGDA PMML STANDARTI Лучшие интеллектуальные исследования 11 (1), 47-50

